



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Hymni Ecclesiastici Novo Cultu Adornati**

**Clairé, Martin**

**Parisiis, 1676**

Ad Matvtinvm.

**urn:nbn:de:hbz:466:1-12077**

## ECCLESIASTICI. II

Sit hæc tui laus nominis,  
Donare noxas criminis.

Carnis doma licentiam  
Per carnis abstinentiam ;  
Ut corporis jejunium  
Sit mentis in convivium.

Præsta, beata Trinitas,  
Triumque simplex unitas ;  
Ut dona sint perennia  
His qui colunt jejunia. Amen.

## AD MATUTINUM.

EN tempus acceptabile,  
DEI sacrum præconio ;  
Culpis piandis utile  
Deno quater jejunio.

Antiqua Lex hoc approbat,  
Vatum canunt oracula ;  
Hoc Christus exemplo probat  
Suprema vitæ regula.

Ergo ciborum parciius  
Utamur indulgentiâ :  
Caro prematur arctius ,  
Et sensuum licentia.

Vitemus omnes noxia  
Hostis venena perfidi;

A vj

Nec vana tradant otia  
Ejus locum tyrannidi.

Flectamus iram vindicem  
Ritu precantūm simplici;  
Et ad benignum judicem  
Dicamus ore supplici:

Nostris malis offendimus  
Tuam, Deus, clementiam;  
Largire, quam te poscimus,  
Redemptor, indulgentiam.

Scis nos tuæ quòd feceris  
Opus caducum dexteræ:  
Jugo premi ne siveris  
Nos servitutis exteræ.

Dele malum quod fecimus,  
Ne punias perenniter:  
Duc ad bonum quò tendimus,  
Ut te fruamur jugiter.

Præsta, beata Trinitas,  
Nobis ut hæc jejunia  
Cæli recludant semitas,  
Et dona dent perennia. Amen.

### *A D L A U D E S,*

**O** Sol salutis, intimis,  
Iesu, resulge sensibus,